



漢書門

一三六〇八

一六〇

類號函架冊

內閣文庫

漢書

一三六〇八

一六〇

類號冊架函


內閣文庫

番號	漢	12608
冊數	160 (61)	
函號	300	211

六十五

Blank page with a faint rectangular border and ghosting of text from the reverse side.

Blank page with a faint rectangular border and ghosting of text from the reverse side.



重校聖濟總錄卷六十五

震澤汪鳴珂瑤圃全弟鳴鳳蘭圃校

程 勛懋哉校訂

咳嗽門

咳嗽

暴嗽

久嗽

冷嗽

熱嗽

呷嗽

五臟諸嗽

諸嗽統論

論曰內經謂肺寒則外內合邪因而客之則為肺
欬嗽則為咳甚則為痛為泄然腑臟皆有咳非獨

肺也蓋肺主皮毛故先受之肺咳之狀咳而喘息有音甚則吐血心咳之狀咳而心痛喉中介介如鯁狀甚則咽腫喉痺肝咳之狀咳而兩脇下痛甚則不可以轉轉則兩脇下滿脾咳之狀咳而右脇下痛陰引肩背甚則不可以動動則咳劇腎咳之狀咳而腰背相引痛甚則咳涎五臟之咳久而不已各以其合移於六腑故脾移於胃肝移於膽肺移於大腸心移於小腸腎移於膀胱其中則又移於三焦胃欬之狀咳而嘔甚則長蟲出是也膽咳之狀咳而嘔膽汁是也大腸咳之狀咳而遺矢是也小腸咳之狀咳而矢氣氣與咳俱矢是也膀胱咳之狀咳而遺溺是也至於三焦之咳咳而腹滿不欲飲食使人多涕唾而面目浮腫又有所謂十咳者其證雖各不同要之不離於五臟六腑而已診其手陽明之經其脉浮則爲陽實病腹滿善喘咳古人又云咳嗽脈浮喘者生小沉匿者死脈浮直者生沉韌者死各以其脈別之也

咳嗽

論曰肺主皮毛皮毛先受寒邪乃為咳嗽五臟六腑又皆稟氣於肺故各以其時感寒而受病亦能為咳形證不同治亦隨異學者審之

桑白皮湯方 治咳嗽胸滿氣急

桑白皮 剉

半夏 洗

川貝母 去心

知母 焙

五味子

款冬花

紫蘇 連莖葉

一兩

人參

炙甘草

紫朴

薑汁炙 五錢

右麤擣篩入生薑三片水煎三錢去滓溫服日

二

貝母丸方 治咳嗽上膈煩滿

貝母

去心炒

白茯苓

去黑皮

山芋

麥冬

去心焙 一兩

甘草

炙剉

阿膠

炙五錢

百合 大者一枚

五味子

一兩

黃蠟

一兩 二錢

右擣羅為末化蠟和丸如彈子大飲下一丸溫服

蛤蚧散方 治咳嗽咽嗌不利

蛤蚧

一對雌雄頭尾全者不得有蛙蚌洗淨焙乾

人參

柴胡 五錢

紫苑

三兩 洗焙

貝母

去心炒 一兩

枇杷葉

去毛炙

鹿角

膠炙焙三分

右擣羅爲散用梨汁於銀器內用藥末半錢以慢火熬三五沸每服一錢服後去枕仰臥片時

黑靈丸方 治咳嗽不拘日近年深皆效

羌活去蘆頭一分 獨活去蘆頭一分 巴豆不去皮 半夏各三十枚

同入瓶內泥固煨過入前二味

右擣羅爲末鍊蜜丸如梧桐子大每服一丸以後馬兜鈴飲下之

馬兜鈴飲方

馬兜鈴 甜葶藶 桂心一分

右麤擣篩用水煎一錢去滓服前所丸藥餘飲時時頻呷令藥氣常在咽喉中妙

阿膠湯方 治一切咳嗽

阿膠炒燥 甘草 桑白皮剉炒 貝母去心炒 五

靈脂炒 知母炒一兩

右麤擣篩入生薑三片烏梅一枚水煎三錢通口溫服

百部煎方 治咳嗽久不已

生百部汁 生薑汁 生地黄汁 生百合

汁如無以藕汁代之 麥冬汁 白蜜各一鍾 大棗肉

四兩

右將諸汁入砂鍋內慢煎下蜜又將棗肉擣爛入汁內收成煎湯化開空心日午臨臥各一服

杏仁煎方 治咳嗽不拘日月遠近

杏仁去皮尖炒 麻黃去根節 大黃微炒 桂心 甘草

炙 柴胡 去苗 二兩

右擣研為末用水一斗煮末水盡旋添五升煎

令得所瀘去滓再熬成餲瓷器中盛每服一皂子大含化津嚥下

防己丸方 治久咳嗽不計新久

漢防己 杏仁去皮尖炒 貝母去心焙 甘草炙二兩 甜

葶藶經炒 四兩

右擣羅為末麩糊為丸如梧桐子大薑湯下十

丸日二

百部丸方 治一切咳嗽

百部酒浸瓦上炒 紫苑去苗土 款冬花擇洗兩半 貝母去心

炒桔梗炒一兩

右擣羅爲末鍊蜜丸如梧桐子大煎甘草烏梅湯下二十丸食後臨臥服

溫肺丸方 治肺伏冷氣咳嗽

皂莢去皮子炙 白茯苓去黑皮 陳皮去白炒 乾薑炮

右擣羅爲末鍊蜜丸如梧桐子大空心薑湯下二十丸

桃仁丸方 治咳嗽

桃仁去皮尖炒研 杏仁去皮尖炒研 貝母 款冬花各一兩

右四味先以砂糖一兩入銚子內銷鎔後入藥同熬黃熟入臼杵丸如彈子大每服一丸含化

嚙津

沉香湯方 治氣弱痰涎咳嗽

沉香 阿膠炙燥 人參 桑白皮剉一兩炙

右麤擣篩入薑三片水煎三錢去滓空心溫服小兒減半服

貝母散方 治咳嗽

貝母 十枚大者去心麩炒令黃 甘草 炙 阿膠 炙燥五錢

右擣羅為散煎糯米飲下二錢服後去枕仰臥

玉液湯方 治咳嗽利胸膈

天南星 炮 半夏 洗去滑薑汁炙各一兩

右麤擣篩入薑三片水煎三錢溫服食後夜臥

細細呷之

石韋散方 治咳嗽

石韋 去毛并脂炒黃色 檳榔 剉等分

右擣羅為散薑湯空心下一錢

欵冬花薰方

欵冬花 木鼈子 去殼一兩

共擣成餅用二錢慢燒張口吸烟良久吐涎如此五六次每次以茶潤喉次服補肺藥

膠鼓湯方 治咳嗽經久不差

牛皮膠 黃明者炙為末一錢 人參 研末二錢

共和勻每用末二錢以豆豉汁一鍾入葱白一寸煎服常令溫暖遇嗽呷三五呷

訶勒散方 治咳嗽

訶梨勒 煨取皮不拘多少

右為末每以二錢用雄猪胰一枚去脂劈開摻

末更入烏梅肉一枚合定以芭蕉包紙裏煨熟

慢嚼

五味子湯方 治咳嗽晝減夜增不得眠食即吐

逆

五味子 白石脂 桑白皮 百合 麻

黃 去根節炒去沫 白蒺藜 炒去角 杏仁 去皮尖炒 川貝

母 煨去心 柴胡 去苗 欵冬花 各一兩 旋復花 半兩

枳殼 去瓢炒 紫苑 去苗土各一兩 桂心 五錢

右麤擣篩入生薑五片糯米一撮水煎去滓温

服不拘時候

五味子散方 治咳嗽鼻塞清涕顫掉緩弱少氣

不足時時欲嘔

五味子 黃耆 剉三分 附子 炮裂去皮臍 人參 白

朮 細辛 去苗葉 乾薑 炮 羌活 去蘆頭 桂心 五錢

甘草 一分

右擣羅為散烏梅薑水煎二錢服

肺寒湯方 治肺胃虛寒咳嗽痰盛呀呷有聲嘔

吐停飲咽喉乾痛上氣喘滿面目虛浮自汗惡

風語聲嘶破背寒中冷心下悸動噦逆惡心全

不入食

欵冬花 甘草 炙 杏仁 浸去皮 紫苑 去

五味子 乾薑 炒 麻黃 去 桂心 半夏

煮輒焙 二兩 細辛 去苗葉 一兩

右麤擣篩入薑三片棗三枚水煎三錢溫服不

計時候

蛤蚧丸方 治咳嗽喘急

蛤蚧 一對 杏仁 浸去皮 葶藶子 紙上炒別 貝母

去心 欵冬花 訶勒皮 一兩 甘草 炙五錢

右除葶藶杏仁外擣羅為末別研二味再研勻

鍊蜜丸如梧桐子大食後煎桑白皮湯下二十

丸

暴嗽

論曰肺感於寒微者即成咳嗽蓋肺主皮毛寒傷

也 膚腠則肺先受之其狀咳嗽語聲嘶破咽喉不利

感通湯方 治暴感風邪咳嗽

甘草炙 麻黃去根 川芎 馬兜鈴 防風

去又黃明膠炙三錢

右麤擣篩薑水煎二錢去滓早晚食後溫服

杏仁湯方 治大人小兒中冷暴嗽或上氣喘逆

惡寒出清涕

杏仁去皮尖 紫苑去苗 片苓去黑 甘草炙

川歸切 陳皮 麻黃去根 桂心五錢 木香

焙 大黃炒兩分

右麤擣篩水煎三錢溫服日二小兒以意加減

貝母湯方 治傷風暴咳嗽

貝母去心 甘草炙三分 欵冬花 杏仁去皮尖

麻黃去根節

右麤擣篩薑水煎三錢入葱白一寸溫服日二

不拘時

欵冬花湯方 治暴咳嗽傷風

欵冬花 貝母去心 五味子 甘草炙 桑

白皮剉五分 知母一分 杏仁去皮尖炒

右麤擣篩薑水煎三錢空心温服

貝母煎方 治暴嗽胸膈不利痰逆喘急

川貝母去心 紫苑蜜浸 杏仁去皮尖炒 桑白皮

炙一兩 甘草蜜 百部去心酒浸炒 五味子炒 白前

甘草湯浸焙乾五錢

右用水一斗入諸味煎取汁二升濾去滓入生

地汁五合麥冬汁五合白蜜三合牛酥二兩於

銀石器內慢煎成餳頻頻含化一匙飲下不拘時

飴糖煎方 治暴嗽肺寒

飴糖 乾薑炮為末 豉炒二兩

右分作二劑煮豉取沸去渣次入糖待消後入

薑末攪勻以瓷器盛分為五七服沸湯化下

太白丸方 治大人小兒暴嗽

石灰風化者 蛤粉四錢

右研細末湯浸蒸餅和丸如豌豆大焙乾每服

三十丸温薑汁下小兒七丸至十九丸早晚食後臨臥服

伏龍肝丸方 治暴嗽

伏龍肝 半兩 豉 兩半

右同炒擣羅為末鍊蜜丸如梧桐子大每服二十丸米飲下

訶勒皮方 治肺寒暴咳嗽

訶梨勒 煨取皮

右拍破含之嚙津次煎檳榔湯一盞投之

百部根酒方 治肺寒暴嗽

百部根 炙四兩

右以白酒一斗浸七日頻服一二鍾

三拗湯方 治肺感寒邪暴嗽喘逆

杏仁 不去皮尖 麻黃 不去根節 甘草 生用

右麤擣篩水煎三錢去滓温服不拘時取汗

久嗽

論曰肺主皮毛易感風邪寒邪傷於肺則為咳嗽五臟各以其時受之為五臟之欬久不已傳於六

腑六腑不已三焦受之是為久嗽其人咳而腹滿不欲飲食多唾而腫氣逆乃其證也

阿膠散方 治久嗽勞嗽

阿膠 二兩如無以黃明膠四兩代並炒燥 人參 五錢 杏仁 去皮尖炒

甘草 炙二錢 黃蜀葵花 一分 欵冬花 一分

右擣羅為散空心熟糯米飲下二錢晚食前再服

人參煎方 治積年咳嗽

人參 一兩 酥 括樓 搗研 蜜 二兩

右調勻於飯上蒸九次晒乾為末空心湯下一

匙日三

貝母丸方 治肺感寒久咳嗽

貝母 去心炒四兩 欵冬花 三兩 紫苑 去苗土二兩

右擣羅為末鍊蜜和丸如梧桐子大食後薑湯下廿丸日二

異攻散方 治久咳嗽

陳粳米 一升薑半斤 訶梨勒 煨三枚 紫朴 薑汁

蜜炙 檳榔 煨一枚 甘草 五錢半生半炒炙

右擣羅為散米飲下一錢食後服日三

黑金散方 治久咳嗽喘急

雄猪蹄合子 黑者四十枚洗 天南星 大者一枚剉 欵冬

薑末 五錢

右用瓶一箇以猪合子入內上以天南星蓋之泥固火煨白烟出為度取出入欵冬末麝香冰片一分同研每服煎桑白皮湯下一錢年少人用生犀角中年人用羚羊角五錢以代猪蹄合子

欵冬花散方 治肺中寒邪久咳嗽

欵冬花 去梗 阿膠 炒一兩 膽南星 剉炒三分 炙甘草

五錢 牛旁子 炒一分

右擣羅為散薑水煎三錢空心温服

蛤蚧丸方 治久咳嗽喘急

梅花蛤蚧 一對雌雄頭尾全者酥炙 半夏 杏仁 去皮尖 一兩蜜

炒 括樓 大者二枚去子取肉蒸研 阿膠 蛤粉炒 人參 五錢 青

皮 去白炒一分 乾薑 煮研二兩

右擣羅為末入生蜜少許丸如小豆大空心臨

臥糯米飲或熟水下十丸

阿膠散方 治久咳嗽

阿膠炙燥 人參 黃耆半炙半生剉 炙甘草 杏

仁去皮尖炒 桑白皮炙 紫苑去苗土 桔梗麩炒一兩

右擣羅為散每服用猪胰一枚去油膜切拌末

二錢葱白三寸鹽少許濕紙包煨熟細嚼温酒

下

紫苑散方 治久咳嗽喘急

紫苑去苗土 欵冬花一兩 百部五錢

右擣羅為散煎薑梅湯下一二錢食後臨臥服

鍾乳粉散方 治久咳嗽

鍾乳粉 欵冬花去梗 甘草炙五錢 桂心 杏

仁浸去皮尖麩炒研一兩 括樓大者一枚用肉 桔礬五錢 皂莢

一挺去皮子全上一二味搗丸上炙乾

右擣研同為細散每服湯下二錢

欵冬花散方 治肺寒久咳嗽

欵冬花新者不拘多少

右為細散每服二錢匕香餅子土燒烟令病人

吸烟嚙之食後日再

阿膠飲方 治久咳嗽

阿膠 炙燥 人參 二兩

右擣羅為散每服三錢匕豉湯一盞入葱白少

許同煎三沸放溫遇嗽時呷三五呷依前溫暖

備嗽頻呷

八僊湯方 治久患氣嗽發即奔喘坐臥不安喉

中氣欲絕

馬兜鈴 桑白皮 桔梗 各二兩半 白茯苓 去黑皮

柴胡 去蘆頭 陳皮 去白 麻黃 去根節煮去未焙三兩 杏仁 去皮尖炒一百枚

右剉如麻豆水煎五錢溫服日二

疾藜貝母湯方 治久咳嗽

白蒺藜 炒去角 川貝母 去心 百合 赤石脂

紫苑 去苗土 麻黃 去節去根 天雄 炮裂去皮臍 枳殼 麩炒兩半

五味子 川連 去鬚 地榆 桑根白皮 東引者炙

桂心 貫衆 一兩 片苓 去黑心五錢 旋復花 炒三分

右麤擣篩入薑三片水煎三錢去滓空心食前

温服

柴胡湯方 治久咳嗽不差

柴胡去苗 百合 延胡索 枳殼去瓢 天雄麩炒

炮裂去皮 欵冬花炒 麻黃去根節 代赭 川

連去鬚 貝母去心 桂心 地榆一兩 旋復花

炒三分 片苓去黑心 杏仁十五枚去皮

右剉如麻豆每服水煎三錢去滓空心温服

薰法 治久冷痰咳嗽多年勞嗽服藥無効者

雄黃通明不夾石者一兩 雌黃不夾石者五錢合研 黃蠟三兩

右先化蠟成汁入藥末攪勻候凝刮下用紙五
段潤五寸長一尺鎔蠟塗其面令厚以箭卷成
小筒子令有藥在裏幹令相着乃拔去箭臨臥
熨斗內盛火燃筒子一頭令有烟乃就筒子長
引氣吸烟米飲送下又吸每三吸爲一節當大
嗽咯出冷痰涎卽以衣覆臥良久汗出若病三
五年者二三吸卽差十年以上嗽甚咳聲不絕
胸有冷痰服寒温補瀉藥俱無効者日一爲之
不過五七日卽愈昔有人病嗽胸中常如冰雪

三年治之莫差後用此法治之即愈 又有一
人年二十五歲感風寒濕氣咳嗽五年諸治莫
愈後用此法二次咳出痰涎又出汗其嗽即愈

冷嗽

論曰內經謂形寒飲冷內外合邪因而客之則為
肺咳蓋肺主氣外合皮毛其經環循胃口故內外
得寒皆能傷之而為冷嗽其候呼吸氣寒口如飲
冰雪嘔吐冷沫胸中急痛晝靜夜甚得溫則止遇
寒即發是也

五味子湯方 治肺感寒咳嗽不止

五味子炒 人參 桂心 熟地焙 阿膠

炒 黃耆剉五錢 乾薑 杏仁浸去皮尖 紫苑雙仁炒

去苗土 白朮 紫蘇葉分半

右麤擣篩水煎三錢去滓溫服日三不計時候

乾薑湯方 治冷痰嗽

乾薑炮裂 麻黃去根節 桂心 炙甘草一兩

紫苑去苗土 五味子五錢 杏仁去皮尖 麩炒三十枚

右咬咀如麻豆水煎三錢去滓空心溫服日三

阿膠湯方 治肺寒冷嗽

阿膠炒燥 五味子 麻黃去根節 陳皮去白炒一兩

甘草炙 杏仁去皮尖炒五錢

右麤擣篩入薑三片水煎三錢去滓溫服不計

時候

細辛散方 治肺寒咳嗽喘滿

細辛去苗 甘草炙 五味子 乾薑炮裂三兩 赤

茯苓去黑皮四兩

右擣羅爲散沸湯下二錢蜜丸亦可日三

四順散方 治肺寒久嗽冷嗽

乾薑炮裂 甘草炙 杏仁去皮尖炒研 陳皮去白炒三兩

右擣羅爲末每服以沸湯下二錢空心食前日

三

五嗽丸方 治一切冷痰嗽

皂莢去皮子酥炙 桂心 乾薑炮裂炒二兩

右擣羅爲末鍊蜜丸如梧桐子大每服米飲下

十丸不拘時

乾薑飴糖煎方 治冷嗽及一切嗽

乾薑 炒研末 三兩 膠飴糖 一斤

右化飴糖拌末勻蒸熟頻含化一匙嚙津

杏仁丸方 治冷嗽呼吸氣寒嘔吐冷沫胸中急

痛

杏仁 去雙仁皮尖 炒香一升 生薑 一斤切 片焙乾 陳皮 去白炒 五兩

右搗羅為末鍊蜜丸如梧桐子大空心酒下三

十九不拘時候

熱嗽

論曰熱嗽之狀嗽而少涎由邪熱薰於上焦客於

肺經使津液內燥搏於咽嗌喉嚨不利隨其吸呼

而咳嗽也

百部丸方 治肺氣熱嗽胸膈煩悶

百部 黃耆 剉 杏仁 去皮尖雙仁 麩炒一兩 桂心 一分

天冬 去心 焙 括樓根 五兩 馬兜鈴 紫苑 去苗

土 紫蘇 莖四兩 元參 二兩半

右搗羅為末鍊蜜丸如梧桐子大煎烏梅甘草

湯下甘丸食後服

百部湯方 治咳嗽氣滿

百部 百合 木通剉 枳殼去瓢 麩炒 柴胡去苗

桑皮一兩 郁李仁去皮 炒 赤芍三分 赤茯苓

二兩 甘草炙五錢

右麤擣篩入薑棗水煎三錢去滓空心溫服不拘時

天冬丸方 治熱嗽心胸不利或時煩喘

天門冬去心焙 二兩 元參 射干 桂心五錢 馬

兜鈴 杏仁去皮 尖炒 括樓根 紫苑去苗 土 百部

一兩 黃耆剉三分 遠志去心 五錢

右擣羅為末鍊蜜丸如梧桐子大空心溫水飲下二十丸不拘時候

阿膠丸方 治客熱止嗽化痰

阿膠炒 燥 人參 礪砂研三分 丹砂研 甘草

炙五錢 冰片研二錢

右擣研為末鍊蜜丸如芡實大含化一丸日二不拘時

玉粉散方 治肺經伏熱夜臥咳嗽

膽南星 白礬水 煮 煆 焙 甘草 炙 五錢 川貝母 去心 一兩 不灰

木 兩半 太陰元精石 研 二兩

右擣研極細煎生薑烏梅湯下二錢食後夜臥服

華蓋湯方 治上喘咳嗽兼治膈熱

桑白皮 剉 陳麴 炒 香 桔梗 炒 一分 人參 百

合 三分 杏仁 去皮 尖炒 炙甘草 五錢

右麤擣篩水煎三錢食後溫服日二

甘草飲方 治暴患熱嗽

甘草 半生 半炙 生薑 半生 半煨 五錢 黑豆 半生 半炒 百粒 烏梅肉

大者一枚 半生半炒

右以酒水各一鍾入銀石器內煎熟去渣入蜜少許重煎至一盞食後臨臥溫服

葶藶丸方 治熱嗽利胸膈化痰涎止嗽

甜葶藶 經炒 二兩 防己 杏仁 去皮 尖炒 五錢 麻黃 去根 節 一

分 黑丑 五兩 二兩 生杵取末 五錢 餘三兩 於鍋內炒勻 熟杵末 三分

右擣研細勻以棗肉杵丸如小豆大煎桑白皮薑湯下二十九不拘時候

防風湯方 治風熱咳嗽

防風去 甘草 桑白皮炙二兩

右剉碎米泔浸一宿暴乾麤擣篩每服水煎三錢入黃蠟一皂子大同煎溫服

阿膠丸方 治風熱咳嗽去涎利膈鎮心順氣

阿膠炒燥三分 人參 赤茯苓去黑皮五錢 丹砂研一兩

冰片研二錢 天南星薑汁煮軟切焙二錢 甘草炙五錢

右擣研細勻鍊蜜丸如梧桐子大大人荆芥湯嚼下二丸小兒化下一丸

黃金丸方 治肺熱咳嗽

苦葶藶經上炒 半夏薑汁炙三兩 大黃炒三分 青皮去白

乾薑一棗大炒

右擣羅為末薑汁麩糊和丸如梧桐子大臨臥溫熱水下十五丸稍加至三十丸

半夏丸方 治胸膈熱壅咳嗽化痰涎止咳

半夏六兩去臍漿水五升生薑半斤薄切甘草桑白皮一兩剉銀石器銚內全煮乾只取半夏餘不用 郁李仁去皮尖炒研 木香 青皮浸去白焙

檳榔剉分

右擣羅為末麩糊為丸如梧桐子大食後臨臥淡薑湯下二十丸

涼膈散方 治肺熱咳嗽

甘草 生二兩

右以雄豬膽汁浸五日炙香擣羅為末鍊蜜和丸如梧桐子大薄荷湯下二十丸

杏仁散方 治胸膈熱壅咳嗽

杏仁 桑白皮各二兩 全河水煮用仁 馬兜鈴 欵冬花 一兩 去梗

微炒 阿膠 蛤粉炒 甘草 炙 防風 去叉 五錢

右除杏仁阿膠別研外擣羅為散拌勻重研細食後糯米飲下二錢

欵肺湯方 治五心煩熱肢體倦怠夜臥壯熱咳嗽

貝母 去心 桔梗 炒 紫苑 去苗土 一兩 甘草 炙 二分

右麩擣篩水煎三錢去滓食後溫服

馬兜鈴湯方 治肺熱嗽氣急喘悶

馬兜鈴 微炒 桑白皮 炙 一兩 苦葶藶 炒 桑 炙甘

草 五錢 半夏 洗去滑薑汁 製焙乾 三分

右剉如麻豆入薑五片水煎三錢去滓食後溫服

地黃湯方 治咳嗽大便不通壅熱口內生瘡

懷生地

焙三兩

麻黃

去根節煎掠去沫焙

片苓

去黑心

赤茯苓

苓

去黑皮

升麻

龍膽草

去土

桑白皮

剉炒

大

黃

剉炒

川連

去鬚五錢

甘草

炙一分

右麤擣篩水煎三錢去滓溫服以利為度

牛黃丸方 治肺壅熱咳嗽潤心肺止咳嗽解風熱

熱

西牛黃

五錢

人參

赤茯苓

兩半去黑皮

蛤蚧

酥慢

炙甘草

生一分

訶勒皮

三分

杏仁

去皮尖炒

一兩半

右擣羅為末鍊蜜蠟同丸如鷄頭實大金箔為衣空心含化一丸薄荷湯下服之

呷嗽

論曰呷嗽者咳而胸中多痰結於喉間與氣相擊隨其吸呼呀呷有聲故名呷嗽宜調順肺經仍加消痰破飲之劑

射干丸方 治久呷嗽喉中作聲發即偃臥不得

射干一兩 半夏洗炒乾一兩一分 陳皮浸去白一兩 百部

焙乾一分 欵冬花去萼焙乾 細辛去苗 乾薑炮裂一兩 五

味子揀淨一分 貝母去心炒 白茯苓去黑皮 皂莢

去皮 郁李仁去皮尖雙仁研如脂一兩

右擣羅為末鍊蜜丸如梧桐子大空心飲下七

丸稍加至十五丸日再

芫根白皮丸方 治久嗽喉中作聲

芫根白皮炒 五味子揀淨 半夏薑汁製 百部

射干 貝母去心炒 皂莢去皮子 欵冬花去萼

白茯苓去黑皮 紫苑去苗 細辛一兩去苗

右擣羅為末鍊蜜丸如梧桐子大空心粥飲下

五七丸如瀉多用防風甘草湯解之

黃耆丸方 治呷嗽聲音不出喉中作聲

黃耆剉 括樓根剉 大黃蒸剉 牙硝熬研

甘草炙 杏仁去皮尖炒二兩

右擣羅為末令勻鍊蜜丸如梧桐子大空心水

飲下十五丸日再

香墨丸方 治呷嗽相引作聲

香墨

燒烟盡

苦葶藶

炒紫

甘遂

五錢

大黃

炒

前胡

去蘆頭一兩

巴豆

五錢炒研

右搗羅爲末研勻鍊蜜丸如梧桐子大空心白

梗米飲下三丸三日後再服如吐利不止以冷

白飲止之利後宜食粥

杏仁丸方

治呷嗽喉中有聲

杏仁

去皮尖炒研

甘草

炙一兩

大黃

蒸剉炒

牙硝

熬研五錢

右搗研爲末令勻鍊蜜丸如梧桐子大空心薑

湯下十丸日再

葇宥子散方

治三十年呷嗽

葇宥子

新者

木香

雄黃

無石者一兩研

右搗羅爲散研勻用青紙一張先以羊脂塗次

以末摻脂上卷裏之早晨空腹燒令烟出吸十

燕日三度

墜痰丸方

治呷嗽

枯礬

八兩研紙裏埋土內一宿出火毒入藥

甘草

炙一斤

半夏

薑汁

製槐花

炒三兩

右搗羅爲末麩糊爲丸如梧桐子大空心薑湯

下十五丸 此藥又治涎嗽止呷呀化風痰利

咽膈

欵冬花湯方 治肺感寒邪咳嗽不已呀呷喘悶

相引作聲胸膈否滿不欲飲食

欵冬花 一兩 桑葉 二兩 知母 焙一兩 杏仁 去皮尖麩

炒四兩 甘草 炙 麻黃 去根節沸湯掠去沫焙半斤 半夏 礬水

浸焙乾 貝母 去心 阿膠 炒燥四兩

右麤擣篩入薑三片水煎三錢去滓食後臨臥
温服

雌黃丸方 治呀呷嗽

明雌黃 五錢 丹砂 鉛霜 膩粉 一錢

右研細糯米粥和丸如梧桐子大丹砂為衣用

蛤粉湯下三丸日三

白龍丸方 治大人小兒上喘咳嗽呀呷有聲痰

涎痞悶

半夏 大者十枚 巴豆 八粒 硃砂 去石一錢與

薑搗餅炙 劑麩粉霜 研 膩粉 一錢 冰片 一字

右擣研為末鍊蜜為丸如麻子大甘草湯下五

七丸小兒一二丸

胡黃連湯方 治呀呷嗽

胡黃連 皂莢去皮子 炙黃 郁李仁去皮尖雙 仁炒研 白

檳榔一兩

右麤擣篩水煎三錢去滓溫服日三不拘時候

紫苑杏仁煎方 治肺臟氣積呷嗽不止因肺虛

損致勞氣相侵或胃中冷膈上熱者並宜服

紫苑去苗 土 酥二兩 杏仁去皮尖雙 仁研半升 貝母去心

薑汁三合 大棗肉半升 五味子炒 人參

白茯苓去黑皮 甘草炙 桔梗剉炒 地骨皮洗

兩白蜜一斤 生地汁五合

右擣羅為末與諸自然汁并酥蜜杏仁等於銅

銀器中全煎百沸器盛再於甑上蒸三五次成

飴食後仰臥含化一匙夜再服

五臟諸咳嗽

論曰內經謂肺咳之狀咳而喘息有音甚則吐血
心咳之狀咳而心痛喉中介介如飢狀甚則咽腫
喉痺肝咳之狀咳而兩脇下痛甚則不可以轉轉

則兩胛下滿脾欬之狀咳而右胛下痛陰引肩背甚則不可以動動則咳劇腎咳之狀咳而腰背相引痛甚則咳涎五臟之咳久而不已乃傳六腑六腑之咳內經論之詳矣

前胡湯方 治五臟諸咳嗽

前胡去蘆頭 五味子 生地黃焙 澤瀉 半

夏洗焙二兩 貝母去心焙 麻黃不去節 人參 山芋

白朮 白茯苓去黑皮 杏仁去皮尖麩炒 甘草炙

葛根 烏梅去核炒一兩

右剉如麻豆每服入薑五片水煎三錢食後臨

臥溫服去枕仰睡

紫苑丸方 治肺咳嗽吐血

紫苑去苗土 白茯苓去黑皮 杏仁去皮尖蜜浸炒二兩 防風

去馬兜鈴炒 欵冬炒 麥冬去心焙 甘

草炙一兩 蛤蚧一枚皂莢水浸酥炙 人參 赤芍藥 白

藥子 川歸剉焙 貝母薑汁浸焙 半夏薑製焙 黃

耆剉一兩 棗肉蒸四兩 大麻子八兩水浸研取汁 括樓三

枚去皮子用肉研取汁濾過 冰片五分與上四味全研成膏

右以前藥末入後膏內擣杵為丸如梧桐子大煎麥門冬熟水下三十丸

五靈脂湯方 治肺咳嗽及諸嗽

五靈脂 馬兜鈴一兩 人參 五味子 甘

草炙 桑白皮蜜炙 陳皮去白炒 杏仁去皮炒 五錢

右麤擣篩入薑五片水煎三錢去滓空心溫服

日二

人參桔梗散方 治心咳嗽咽喉腫痛

人參兩 桔梗炒四兩 白茯苓去黑皮 牛旁子炒二

兩 甘草炙兩半

右擣羅為細散沸湯空心下一錢日二

丹砂半夏丸方 治心咳嗽喉中介介咽腫喉痺

丹砂水飛五錢 半夏洗去滑焙擣末 膽南星炮裂擣末 知母焙擣

末一兩 巴霜二錢

右拌勻湯浸炊餅和糊為丸如豌豆大以丹砂

為衣煎薑梅湯食後臨臥下二三丸

木乳散方 治肝咳嗽兩脇下滿

木乳酥炙三兩 杏仁去皮尖雙仁麩炒 貝母去心酥炙二兩 甘草

炙一兩

右為末食後薑橘湯下二錢

半夏陳皮湯方 治脾咳嗽

半夏洗切 陳皮浸去白焙 杏仁去皮尖雙仁麩炒一兩 赤茯苓

苓 柴胡去苗 麻黃去根節一兩 生薑切焙 甘草

炙五錢

右麤擣篩水煎三錢去滓空心溫服

四味散方 治腎咳嗽

補骨脂炙 牽牛子半生半炒 杏仁去皮尖雙仁炒一兩 郁

李仁五錢

右為細散每服茶下一錢

鹿角膠湯方 治大腸咳嗽

鹿角膠炙燥 杏仁去皮尖炒研 甘草炙 半夏薑汁

製麻黃去根節二兩

右麤擣篩入薑三片煎去滓食後臨臥各一服

每服三錢

黃耆散方 治大腸咳嗽

黃耆細剉 人參 白茯苓去黑皮 桑白皮剉炒一兩

甘草 炙三分

右為細散每服沸湯下一錢不拘時候

人參散方 治膀胱咳而遺溺

人參 一兩 白茯苓 去黑皮 山芋 烏藥 甘草

炙 黃耆 剉各一分

右擣羅為散薑湯下一錢不拘時候

檳榔丸方 治三焦咳嗽腹滿不欲食

檳榔 剉 陳皮 浸去白焙 枳殼 炒 乾薑 炮一錢半 桑

白皮 剉炒五錢 牽牛子 炒三兩

右為細末鍊蜜丸如梧桐子大食後臨臥淡薑湯下二十丸

皂莢丸方 治三焦咳腹滿不欲食

皂莢 不艸者去皮酥炙 半夏 薑汁製 甜葶藶 紙炒一兩 杏仁

半兩去皮尖全上四 巴豆 二十一粒醋煮黑色焙研 檳榔

五錢微煨

右研為末鍊蜜為丸如梧桐子大薑湯下一二丸

半夏桔梗湯方 治脾肺寒熱勞咳痰盛嘔逆

半夏漿水煮切焙 桔梗炒 桑白皮剉炒 膽南星

洗一兩

右麤擣篩入薑棗水煎三錢温服

阿膠散方 治肺胃不調久咳不差

阿膠炙 甘草炙 桔梗剉炒 桑白皮剉炒

細辛去苗葉一錢

右擣羅爲散空心薑湯下一錢日二

人參丸方 治脾胃虛弱痰壅咳嗽

人參 木香 訶梨勒皮煨一分

右爲末生蜜和作七丸每服一丸水煎以藥散爲度去滓服不拘時

萊菔子丸方 治肺咳嗽

萊菔子淘擇焙乾炒半升

右擣羅爲末以沙糖丸如彈子大空心綿包含化一丸日二

玉液散方 治肺咳嗽吐痰

半夏二兩大者淨洗去臍 皂莢二十條去皮子水一斗同半夏煮至五升取出 半夏薄切焙乾

右只取半夏搗羅爲散每服半錢煎薑湯下食
後溫服

